

唐詩紀事



唐詩紀事

第四冊

明·洪樸校



第四

蘇工業學院圖書館
藏書章

依原刊本排印
貝葉山房張氏藏版

唐詩紀事目次

第四冊

第六十一卷

聶夷中

劉象

紀唐夫

羅紹威

鄭仁表

張林

李搏

裴廷裕

高蟾

朱邕

崔塗

孫郃

鄭準

章碣

于漬

第六十二卷

鄭嵎

劉駕

王駕

衛準

詹雄

第六十三卷

方干

劉駕

王駕

衛準

詹雄

顧非熊

司空圖

秦韜玉

潘成

胡駢

高駢

潘緯

武瓘

于鄴

路德延

翁承贊

韓垂

第六十四卷

顏萱

李穀

司馬都

鄭壁

崔璞

魏朴

陸龜蒙

張賁

皮日休

崔璐

第六十五卷

任蕃 盧休 劉畋 張爲 韓偓

袁郊 盧延讓 裴說 張爲 韓偓

曹松 杜荀鶴 孫棨 王鐸 鄭棨

胡玢 楊淑 平曾 繆島雲

第六十六卷 馮涓 盧嗣立 李質 姚巖傑 王璘

嚴廊 陳標 崔安潛 盧發 錢珣

盧駢 嚴憚 王渙 張署 翁綬

載司顏 孫定 趙牧 盧汪 鄭愚

王鐔

第六十七卷

李嶸 袁皓 歐陽澥 徐振 李濤

王貞白 王祝 劉谷 李昌鄴

王碩 陸貞洞 李縞 高衢 張綺

韋冰 薛昭緯 鄭合敬 許晝 程賀

裴鏘 張孜 顧雲 李昭象

第六十八卷

楊文圭

唐彥謙

裴澈

盧携

韋莊

第六十九卷

吳融

公乘億

羅鄴

羅衮

第七十卷

羅虬

羅隱

陸辰

許棠

張喬

劇燕

任憲

張蟪

鄭谷

湯憲

李昌符

王穀

李山甫

伊璠

鍾離權

李京

胡曾

伍唐珪

第七十一卷

張道古

許鼎

李京

胡曾

伍唐珪

韓定辭

蔣貽恭

狄歸昌

李極

高越

許櫛

孫蜀

牛岷

崔庸

同谷子

陳詠

李旭

沈彬

同朴

孫魴

王易簡

范攄之子

鄭雲叟

謝太虛

李嶼

江爲

第七十二卷

僧法宣

僧中寤

僧子蘭

僧靈澈

僧靈一

僧清江

僧廣宣

第七十三卷

僧法振

常雅

隱丘

僧法照

僧泠然

金地藏

僧皎然

護國

含曦

第七十四卷

僧文秀

僧尙能

僧棲白

僧無可

僧神穎

僧懷濬

應物

可朋

雲表

第七十五卷

僧虛中

僧貫休

僧齊已

殷七七

許碯

許宣平

裴修然

第七十六卷

僧太易

惟審

滄浩

僧良乂

僧志定

栖蟾

曇翼

清塞

無悶

僧文益

僧修睦

景雲

第七十七卷

僧栖一

僧可止

僧卿雲

僧處默

僧澹交

僧若虛

僧樹

僧曇域

僧懷楚

僧懷浦

僧慕幽

尙顏

僧善生

第七十八卷

開元宮人

楊氏子

薛彥輔母

崔氏

劉氏

慎氏

薛媛

李季蘭

侯氏

如意中女子

裴柔之
魚玄機
僖宗宮人
張建封妓
宮女

女道士元淳

第七十九卷

張夫人

崔仲容

女郎張琰

女郎崔公達

女郎宋若昭

女郎宋若荀

女郎田蛾

女郎劉雲

薛濤

女郎葛鶚兒

女郎張文姬

鮑君徽

女郎張窈窕

倡妓常皓

女郎蔣蘊

女郎劉媛

廉氏

彭伉妻

程長文

尼海印

孫氏

鶯鶯

非煙

徐月英

第八十卷

河北士人

不知名

僕

新羅主

楊彥鯤

不知名

權龍褒

第八十一卷

毛仙翁

唐詩紀事卷第六十一

聶夷中

劉象

紀唐夫

羅昭威

劉仁表

張林

李搏

裴廷裕

高蟾

宋邕

崔塗

孫郃

鄭準

章碣

于漬

聶夷中

夷中有公子行云種花滿西園花發青樓道花下一禾生去之爲惡草又詠田家詩云父耕原上田子廝山下荒六月禾未秀官家已修倉又云二月賣新絲五月糶新穀醫得眼前瘡剝却心頭肉我願君王心化作光明燭不照綺羅筵只照逃亡屋所謂言近意遠合三百篇之正也咸通十二年高湜知舉榜內孤平者夷中公乘億許棠夷中尤貧苦精古詩夷中字坦之咸通中爲華陰尉

劉象

鷺鷥詩云潔白孤高生不同頂絲清軟冷搖風窺魚翹立荷香裏慕侶低翻柳影中幾日

下巢辭紫閣。多時凝目向晴空。摩霄志在潛修羽。會接鸞鳳別羣叢。

象京兆人。天復元年。與曹松輩同登第。居五花塋。

象詠仙掌詩。時號劉仙掌。詩云。萬古亭亭倚碧霄。不成奇刻不成招。何如掬取天池水。灑向人間救旱苗。

紀唐夫

開成中。執政惡溫廷筠擾場屋。黜隨州縣尉。唐夫送以詩曰。何事明時泣玉頻。長安不見杏園春。鳳凰詔下雖霑命。鸚鵡才高却累身。且飲祿醺消積恨。莫辭黃綬拂行塵。方城若比長沙路。猶隔千山與萬津。

唐夫驪馬云。連年出塞踏沙蓬。豈比當時御史驄。逐北自諳深磧路。連嘶誰念靜邊功。登山每與青雲合。弄影應知碧草同。今日虜平將換妾。不如羅袖舞春風。

羅明威

唐末。襲父洪信。爲魏博節度使。喜爲詩。江東羅隱有詩名。紹威厚禮之。與通屬籍。目己所爲詩。號儉江東集。如樓前淡淡雲頭日。簾外蕭蕭雨脚風。無愧隱矣。

紹威形口魁偉。有英傑氣。好招延文學士。開館聚書萬卷。每歌酒宴會。與賓佐賦詩。頗有

情致羅隱贈紹威詩云。寒門雖得在諸宗。棲北巢南恨不同。馬上固慚銷髀肉。幄中猶美愈頭風。蹉跎歲月心仍切。迢遞江山夢未通。深荷吾人有知己。好將筆力當英雄。

鄭仁表

贈美人云。嚴吹如何下太清。玉肌無疹六銖輕。自知不是流霞酌。願聽雲和瑟一聲。嘗有詩曰。文章世上爭開路。閱閱山東柱破天。仁表經過滄浪峽。憩於長亭驛吏堅進一板。仁表走筆云。分陝東西路正長。行人名利火燃湯。路傍著榜滄浪峽。真是將閑攪撩忙。仁表豪爽有文。嘗以門閥文章自高。曰。天瑞有五色雲。人瑞鄭仁表。傲縱多所陵藉。人畏薄之。仕爲起居郎。爲劉鄴所惡。貶死嶺外。鄴少時投文於仁表父泊。仁表嗤鄙之。鄴爲相。仁表貶死。

張林

林擢進士第。官至御史。爲詩小巧。多採景於園林亭沼云。菱葉乍翻人採後。菱荷初沒舸行時。亦佳句也。林言毀佛寺時。御史有蘇監察者。檢天下廢寺。見銀佛一尺以下者。多袖而歸。時號蘇捏佛。溫庭筠遽曰。好對密陀僧。

李搏（裴廷裕）

僖宗在成都。廷裕登第。搏以詩賀曰。銅梁千里曙雪開。仙籙新從紫府來。天上已張新羽翼。世間無復舊塵埃。嘉禎果中君平卜。賀喜須斟卓氏盃。應笑戎藩刀筆吏。至今泥滓曝魚鰓。既而復譴之曰。曾隨風水化凡鱗。安上門前一字新。聞道蜀江風景好。不知何似杏園春。裴有六韻答曰。何勞問我成都事。亦報君知便納降。蜀柳籠堤煙矗矗。海棠當戶燕靈靈。富春不並窮師子。濯錦全勝旱曲江。高捲絳紗楊氏宅。時主文寓楊子巷。故有比句。半垂紅袖薛濤。臆浣花泛鵲詩千首。靜衆尋梅酒百缸。若說絃歌與風景。主人兼是碧油幢。搏登乾符進士第。

裴廷裕

廷裕字膺餘。昭宗翰林學士。左散騎常侍。乾寧中。在內庭。文書敏健。號下水船。後貶湖南卒。梁時姚洎爲學士。人號急灘頭。上水船。

廷裕偶題云。微雨微風寒食節。半開半合木蘭花。看花倚柱終朝立。却似淒淒不在家。

高蟾

詠春詩曰。明月斷魂清靄靄。平蕪歸思綠迢迢。人生莫遣頭如雪。縱得春風亦不消。金陵晚望云。曾伴浮雲悲晚翠。猶陪落日泛秋聲。世間無恨丹青手。一片傷心畫不成。

鄭谷贈詩云。張生故國三千里。知者惟應杜子微。君有君恩秋葉後。可能更羨謝玄暉。蓋蟾有宮詞云。君恩秋後葉。日日向人疏。

蟾初落第詩云。天上碧桃和露種。日邊紅杏倚雲栽。芙蓉生在秋江上。莫向春風怨未開。胡曾亦有下第詩云。翰苑何時休嫁女。文昌早晚罷生兒。上林新桂年年發。不許平人折一枝。時謂蟾無躁兢心。後登第。乾符中爲中丞。

宋 邕（一作雍）

春日云。輕花細葉滿林端。昨日春風曉色寒。黃鳥不堪愁裏聽。綠楊宜向雨中看。僞蜀韋穀取此詩。爲才調集。

唐末五雲溪人。范攄云。宋雍初無令譽。及嬰瞽疾。而詩名始彰。或戲其詩云。綠楊宜向雨中看。所謂無眼作有眼之詩。

崔 塗

春夕旅懷云。水流花謝兩無情。送盡東風過楚城。蝴蝶夢中家万里。杜鵑枝上月三更。故園書動多年絕。華髮春唯兩鬢生。自是不歸歸便得。五湖烟景有誰爭。

蜀城春云。天涯憔悴身。一望一霑巾。在處有芳草。滿城無故人。懷才皆得路。失計自傷春。

清鏡不堪照。鬢毛愁更新。塗字禮山。光啓進士也。

感花詩云。繡輓香驪夜不歸。少年爭認最紅枝。東風一陣黃昏雨。又到繁花夢覺時。

孫郃

郃古意云。屈子生楚國。七雄知其材。介潔世不容。跡合藏高萊。道廢固命也。瓢飲亦賢哉。何事葬江南。空使後人哀。

又云。魏禮段口木。秦王乃止戈。小國有其人。大國奈之何。賢哲信爲美。兵甲豈云多。君子戰必勝。斯言聞孟軻。

郃字希韓。四明人。與方干友善。乾寧中。登進士第。好荀楊孟子之書。學退之爲文。爲校書郎中。河南府人。學其文。爲錢珣所序。詩有仕官類商賈。終日常東西之句。

鄭準

江南清明云。吳山楚驛四年中。一見清明一改容。旅恨共風連夜起。韶光隨酒着人濃。延興門外攀花別。採石江頭帶酒逢。無限歸心何計是。路邊戈甲正重重。準以文依荊州成中令。洵常欲比肩陳阮。自作所業爲三卷。號劉表軍書。其應舉日詩卷有題水牛云。護犢橫身立。逢人揭尾跳。朝士大笑。字不欺。登乾寧進士第。有渚宮集一卷。

章碣

癸卯歲毗陵登高云。流落常嗟勝會稀。故人相遇菊花時。鳳笙龍笛數巡酒。紅樹碧山無限詩。塵土十分歸舉子。乾坤大半屬偷兒。長揚羽獵須留本。開濟重爲闕下期。

焚書坑詩曰。竹帛煙銷帝業虛。關河空鎖祖龍居。坑灰未冷山東亂。劉項元來不讀書。

上元夜建元寺觀燈呈通智上人云。建元看別上元燈。處處回廊闕火層。珠玉亂拋高殿佛。綺羅深拜遠山僧。臨風走筆思呈惠。到曉行禪合伴能。無限喧闐留不得。月華西下露華凝。邵安石。連州人。高湘侍郎南遷歸闕。途次連江。安石以所業投獻。遂挈至輦下。湘主文。安石擢第。碣賦東都望幸刺之曰。懶修珠翠上高臺。眉月連娟恨不開。縱使東巡也無益。君王自領美人來。

碣孝標之子。登乾符進士第。碣未第時。方干贈詩。織錦雖云用舊機。抽梭起樣更新奇。何如且破望中葉。未可便攀低處枝。藉地落花春半後。打聽斜雪夜深時。此時才子吟應苦。吟苦鬼神知不知。

千嶺

辛苦吟云。隴上扶犁兒。手種腹長飢。隴上擲梭女。手織身無衣。我願燕趙姝。化爲嫫女姿。

一笑不直金。自然家園肥。

古宴曲云。雉扇合蓬萊。朝車迴紫陌。重門集嘶馬。言宴金張宅。燕娥奉卮酒。低鬟若無力。十戶手胼胝。鳳凰釵一隻。高樓齊下視。日照綺羅色。笑指負心人。不信生中國。

思歸引云。不耕南畝田。誤愛東堂桂。身同樹上花。一落又經歲。交親日相薄。知己恩潛替。日開十二門。自是無歸計。漬字子漪。咸通進士。終泗州判官。

唐詩紀事卷第六十二

鄭嵎

津陽門詩云。華清宮之外闕。南局禁闌。北走京道。開放中嵎。常得羣書。下帷於石甕。僧觀而甚。聞宮中陳跡焉。今年冬。自虢而來。暮及山下。因解鞍謀食。求容旅邸。而公主年且艾。自言世事。明皇夜闌酒餘。復爲嵎道承平故實。翌日於馬上。輒載刻俚叟之話。爲長句七言詩。凡一千四百字。成一百韻。止以門題爲之目云耳。

津陽門北臨通達。雪風獵獵飄酒旗。泥寒款段蹶不進。疲童退問前何爲。酒家雇客催解裝。案前羅列樽與卮。青錢瑣屑安足數。白醪軟美甘如飴。開爐引滿相獻酬。枯腸渴肺忘朝飢。愁憂似見出門去。漸覺春色入四肢。主翁移客挑華燈。雙肩隱膝烏帽欹。笑云鮐老不爲禮。飄蕭雪鬢霜垂頤。閑余何往凌寒曦。顧翁枯朽郎豈知。翁曾豪盛客不見。我自爲君陳昔時。時平親衛號羽林。我纔十五爲孤兒。射熊搏虎衆莫敵。彎弧出入隨飲飛。開元中未有東西神策軍。但以六軍爲親衛。此時初創觀風樓。簷高百尺堆華棖。樓南更起闕鷄殿。晨光山影相參差。觀風樓在官之外東北隅。屬夾城而連上丙。前臨池道。周視山川。寶應中魚朝恩毀之以

修章敬。今遺堦尙存。唯鬪鷄殿焉。球場迤邐而在。其年十月移禁仗。山下櫛比羅百司。朝元閣成。老君見。會昌縣以新豐移。時有詔改新豐爲會昌縣。移自陰繁故城。置于山下。至明年十月。老君見于朝元閣南。而於其處直降重觀。復改新豐爲昭應縣。廨宇始成。令大將軍高力口禁樂以樂。幽州曉進供奉馬。玉珂寶勒黃金羈。安祿山每進焉。必珠特而極。衛朔之飾。五王扈駕夾成路。傳聲校獵渭水湄。六軍各出射絡野。張置維彫弓繡緯。不知數翻身。滅沒皆娥眉。赤鷹黃鸛雲中來。妖狐狡兔無所依。人煩馬殆禽獸盡。百里腥膻禾黍稀。申王有高麗赤鷹。岐王有北山黃鸛。逸期奇姿。特異他等。上愛之。每弋獵。必置於駕前。目爲決勝兒。暖山度臘東風微。宮娃賜浴長湯池。刻成玉蓮噴香液。漱迴烟浪深逶迤。宮內除供奉兩湯池。內外更有湯十六所。長湯每賜諸嬪御。嬪御其修廣。與諸湯不侔。斃以文瑤。客石中央。有玉蓮捧湯泉。噴以成池。又縫綴蓋繡。爲鳧雁於水中。上時於其間。泛口樓小舟。以嬉游焉。犀屏象薦雜羅列。錦鳧繡鴈相追隨。破簪碎鈿不足拾。金溝殘溜和纓綏。上皇寬容易承事。十家三國爭光輝。繞床呼盧恣博。張燈達晝相謾欺。相君侈擬縱驕橫。日從秦虢多游嬉。朱衫馬前未滿足。更驅武卒羅旌旗。楊國忠爲宰相。帶劍南節受使。常與秦虢聯轡而出。更於馬前。以兩川旌節爲導也。畫輪寶軸從天來。雲中笑話聲融怡。鳴鞭後騎何蹊蹠。宮粧禁袖皆仙姿。